

Acta da Xunta de Goberno correspondente ó día 20 de decembro de 2013

No Pazo da Deputación Provincial de Ourense, o vinte de decembro do ano dous mil trece, ás trece horas, reúnese a Xunta de Goberno da Deputación baixo a presidencia de don José Manuel Baltar Blanco, presidente da mencionada Deputación -que como tal é da Xunta-, cos deputados don Rosendo Luis Fernández Fernández, don Plácido Álvarez Dobaño, don José Antonio Feijóo Alonso, don Antonio Montero Fernández, don Emilio José Pazos Ojea, don José Manuel Freire Couto, don Francisco Rodríguez Rodríguez e don Eladio Mangana Nóvoa os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Asiste a interventora, dona Mónica Legaspi Díaz, e dá fe do acto, o secretario xeral, don Francisco Cacharro Gosende.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR, DO DÍA 13 DE DECEMBRO DE 2013.- Unha vez examinada a acta da sesión que tivo lugar o día trece de decembro de dous mil trece, a **Xunta de Goberno** da Deputación **acordou**, por unanimidade, a súa aprobación, sen observacións.

2.- APROBACIÓN DE SUBVENCIÓN Ó CONCELLO DE LOBEIRA.- No Pleno de data 27 de setembro de 2013 acordouse aprobar o expediente nº 4/2013 de modificación das bases de execución do orzamento, que afecta ó apartado B) da Base 87ª, no que se refire á especificación dos capítulos IV e VII de gastos, engadindo para a súa concesión directa, de acordo co artigo 22.2a) da Lei 38/2003, xeral de subvencións, unha subvención de 6.000,00 euros a favor do Concello de Lobeira, para a realización de traballos medioambientais, con cargo á aplicación orzamentaria 450.12/762.01.

Unha vez vista a solicitude de subvención por importe de 5.000,00 euros formulada polo alcalde do mencionado concello, comprobado polo Negociado de Subvencións Directas da Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta favorable da Presidencia, a **Xunta de Goberno**, por unanimidade, **acorda** aprobar unha subvención ó Concello de Lobeira, nos seguintes termos:

-Importe: 5.000,00 €.

Acta da Xunta de Goberno correspondente ó día 20 de decembro de 2013

-Obxecto: a realización de traballos medioambientais.

-Xustificación: a subvención xustificárase mediante a presentación de conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e os artigos 73 e 75 do Regulamento da antedita lei, á que se lle unirán as facturas orixinais ou os correspondentes documentos de valor probatorio equivalente, debidamente aprobados polo órgano correspondente.

Unha vez seladas, as facturas orixinais seranlle devoltas ó beneficiario da subvención concedida.

-Prazo xustificación: ata o 28 de febreiro de 2014

3.- APROBACIÓN DE SUBVENCIÓN Ó CONCELLO DE LOBIOS.- No Pleno de data 27 de setembro de 2013 acordouse aproba-lo expediente nº 4/2013 de modificación das bases de execución do orzamento, que afecta ó apartado B) da Base 87ª, no que se refire á especificación dos capítulos IV e VII de gastos, engadindo para a súa concesión directa, de acordo co artigo 22.2a) da Lei 38/2003, xeral de subvencións, unha subvención de 63.000,00 euros a favor do Concello de Lobios, para a construción de vestiarios no campo de fútbol municipal, con cargo á aplicación orzamentaria 341.11/762.00.

Unha vez vista a solicitude de subvención formulada pola alcaldesa do mencionado concello, comprobado polo Negociado de Subvencións Directas da Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta favorable da Presidencia, a **Xunta de Goberno**, por unanimidade, **acorda** aprobar unha subvención ó Concello de Lobios, nos seguintes termos:

-Importe: 63.000,00 €.

-Obxecto: a construción de vestiarios no campo de fútbol municipal.

-Xustificación: a subvención xustificárase mediante a presentación de conta xustificativa, todo isto de conformidade co que dispoñen os artigos 30 e 31 da Lei xeral de subvencións e os artigos 72 e 73 do Regulamento da antedita lei, á que se lle unirán as facturas orixinais ou os correspondentes documentos de valor probatorio equivalente, debidamente aprobados polo órgano correspondente.

Unha vez seladas, as facturas orixinais seranlle devoltas ó beneficiario da subvención

Acta da Xunta de Goberno correspondente ó día 20 de decembro de 2013
--

concedida.

-Prazo xustificación: ata o 31 de maio de 2014

4.- APROBACIÓN DE SUBVENCIÓN Ó CONSELLO REGULADOR DENOMINACIÓN DE ORIXE MONTERREI.

- No Pleno de data 27 de setembro de 2013 acordouse aproba-lo expediente nº 4/2013 de modificación das bases de execución do orzamento, que afecta ó apartado B) da Base 87ª, no que se refire á especificación dos capítulos IV e VII de gastos, engadindo para a súa concesión directa, de acordo co artigo 22.2a) da Lei 38/2003, xeral de subvencións, unha subvención de 4.000,00 euros a favor do Consello Regulador Denominación de Orixe Monterrei para a celebración da feira do viño 2013, con cargo á aplicación orzamentaria 334.13/489.00

Unha vez vista a documentación presentada polo representante da mencionada entidade, na que figura factura xustificativa do gasto por un importe de 3.999,05 euros, e de conformidade coa proposta favorable da Presidencia, a **Xunta de Goberno**, por unanimidade, **acorda** aprobar unha subvención ó Consello Regulador Denominación de Orixe Monterrei, nos seguintes termos:

-Importe: 3.999,05 €.

-Obxecto: a celebración da feira do viño 2013.

-Xustificación: a subvención xustificárase mediante a presentación de conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e os artigos 73 e 75 do Regulamento da antedita lei, á que se lle unirán as facturas orixinais ou os correspondentes documentos de valor probatorio equivalente.

Unha vez seladas, as facturas orixinais seranlle devoltas ó beneficiario da subvención concedida.

-Prazo xustificación: ata o 31 de xaneiro de 2014.

5.- FIXACIÓN DE PREZOS DE PUBLICACIÓNS QUE EDITARÁ A DEPUTACIÓN PROVINCIAL.

- Unha vez visto o ditame favorable da Comisión Informativa de Educación, Cultura e Deportes para fixación de prezos de distintas publicacións da Deputación Provincial de Ourense, a **Xunta de Goberno** (en virtude de delegación conferida por acordo do Pleno do 26 de novembro de 2010), por unanimidade, **adopta** o seguinte **acordo**:

Acta da Xunta de Goberno correspondente ó día 20 de decembro de 2013

- Fixa-los prezos de venda ó público das seguintes publicacións, polos importes que se indican:

* Autor: De Juana López, J.- Título: *Aproximación al pensamiento e ideología de Vicente Risco (1884-1963)*.

* Prezo por libro: 10 € (IVE incluído).

6.- APROBACIÓN DE CONVENIO MARCO DE COLABORACIÓN COAS ENTIDADES LOCAIS DA PROVINCIA PARA A PRESTACIÓN DE ASISTENCIA TÉCNICA EN MATERIA DE XESTIÓN DE AUTORIZACIÓN DE VERTIDOS DE AUGAS RESIDUAIS URBANAS MUNICIPAIS NOS EXERCICIOS 2014 E SEGUINTE.

Unha vez visto o ditame favorable da comisión informativa de agricultura e medio ambiente en relación co convenio marco referenciado no encabezamento, elaborado pola Secretaría Xeral desta Deputación, a **Xunta de Goberno**, por unanimidade, **adopta** o seguinte **acordo**:

1º.- Aprobar o convenio marco de colaboración coas entidades locais da provincia para a prestación de asistencia técnica en materia de xestión de autorizacións de vertidos de augas residuais urbanas municipais nos exercicios 2014 e seguintes, conforme coas seguintes cláusulas:

1ª) Obxecto:

Constitúe o obxecto deste convenio marco a regulación das condicións para a prestación pola Deputación Provincial aos concellos ou mancomunidades da provincia do servizo de asistencia técnica en materia de xestión de autorizacións de vertidos de augas residuais urbanas municipais.

O presente convenio adóptase en exercicio da competencia provincial para prestar asistencia e cooperación aos concellos e demais entidades locais en materia de servizos municipais, prevista no artigo 36.1.a) e b) da Lei 7/1985, do 2 de abril, reguladora das bases do réxime local, e da competencia municipal (xa se exerza polos concellos, xa se atope delegada nunha mancomunidad) para a ordenación e xestión do servizo de depuración de augas residuais, configurado como servizo mínimo obrigatorio polo artigo 26 da mesma Lei básica de réxime local.

Acta da Xunta de Goberno correspondente ó día 20 de decembro de 2013

2ª) Condicións da prestación do servizo

1. A Deputación Provincial prestaralles aos concellos ou mancomunidades adheridos ao presente convenio a asistencia técnica que resulte necesaria para a xestión da tramitación integral, ante o organismo de cunca competente, das autorizacións de vertidos de augas procedentes das redes e sistemas municipais de saneamento e depuración.

En particular, o servizo abranguerá as seguintes prestacións:

a) Identificación dos vertidos e a súa procedencia (núcleos e poboación atendida) así como os sistemas de depuración existentes. Identificación do punto de vertido, incluíndo a súa xeorreferenciación, curso fluvial público ao que se produce e o caudal deste curso fluvial na estiaxe. Cubrir os formularios oficiais de solicitude ante o organismo de cunca competente. Elaboración do plan de redución da contaminación, de ser o caso.

b) Caracterización de efluente, co seguinte detalle:

b.1) Para o caso de fosas sépticas (e, en xeral, efluentes de vertido de menos de 250 habitantes equivalentes) realizarase a analítica do efluente da saída do sistema de depuración, debendo analizarse temperatura, ph, SS, DBO (5), DQO, aceites e graxas, amonio e nitratos, deterxentes aniónicos e unicamente nos supostos en que o organismo de cunca o considere necesario.

b.2) Para o caso de depuradoras (e, en xeral, efluentes procedentes de máis de 250 habitantes equivalentes) realizarase a análise dos influentes de entrada da EDAR, determinando temperatura, ph, SS, DBO (5), DQO, aceites e graxas, amonio, nitróxeno kjeldahl, nitratos, N-total e fósforo e no efluente de saída determinando: temperatura, ph, condutividade, cor, SS, DBO (5), DQO, aceites e graxas, amonio, nitratos, nitróxeno kjeldahl, N-total e fósforo, cloruros e sulfatos.

En función da cunca receptora do vertido, o organismo de cunca poderá considerar necesaria a análise dalgún outro parámetro. Neste suposto, a Xunta de Goberno adoptará un acordo específico aprobando o prezo público que corresponda para as análises complementarias que sexan necesarias, conforme co previsto na cláusula 3ª.

b.3) Analítica de comprobación e informe de entidade colaboradora da administración para a posta en marcha da instalación de vertido, cando se requira polo organismo de cunca.

En todo caso, a prestación da asistencia técnica entenderase realizada, para tódolos

Acta da Xunta de Goberno correspondente ó día 20 de decembro de 2013

efectos, no momento en que se presente a documentación completa do expediente de autorización ante o organismo de cunca. Sen prexuízo disto, se existisen defectos emendables na dita documentación, a Deputación procederá á súa emenda sen sobrecusto ningún para a entidade local adherida ao convenio.

2. O servizo será prestado pola Deputación Provincial, por medios propios ou a través da entidade Aquaourense, Sociedade Provincial de Augas e Medio Ambiente, SA, sociedade de capital mixto participada pola Deputación Provincial, na súa condición de concesionaria do servizo provincial de asistencia e cooperación con entidades locais en materia de servizos relacionados co ciclo hidráulico e medio ambiente, ou entidade que a poida substituír no futuro.

3ª) Retribución económica

1. En contraprestación polo servizo prestado, a Deputación Provincial percibirá os seguintes prezos públicos:

a) Autorización de vertidos de núcleos de ata 250 habitantes equivalentes:

- Por realización das prestacións previstas no apartado a) da cláusula 2.1: 144,16 €/ud

- Por realización das análises previstas no apartado b.1) da cláusula 2.1: 219,17 €/ud

b) Autorización de núcleos de máis de 250 habitantes equivalentes:

- Por realización das prestacións previstas no apartado a) da cláusula 2.1: 381,60 €/ud

- Por realización das análises previstas no apartado b.2) da cláusula 2.1: 503,66 €/ud

c) Pola realización pola prestación prevista no apartado b.3) da cláusula 2.1, nos supostos en que sexa necesaria: 372,43 €.

2. Os prezos públicos indicados rexerán dende o 1 de xaneiro e ata o 31 de decembro de 2014. Nos exercicios posteriores, os ditos prezos actualizaranse automaticamente a 1 de xaneiro por aplicación do IPC interanual.

3. Os prezos devindicaranse no momento da presentación da documentación completa da solicitude de autorización ou regularización de vertido ante o organismo de cunca competente. Sen prexuízo do anterior, o prezo aplicable en cada caso será o vixente na anualidade na que se solicitase a prestación do servizo.

4. No caso de ser necesaria a realización de análises complementarias ás previstas no apartado b.1) ou b.2) da cláusula 2ª, a Xunta de Goberno aprobará o prezo público

Acta da Xunta de Goberno correspondente ó día 20 de decembro de 2013

correspondente, o que se lle comunicará á entidade local interesada para os efectos de que manifieste a súa conformidade coa realización das ditas análises complementarias.

5. A liquidación dos servizos prestados será aprobada pola Deputación unha vez rematada a prestación do servizo, con carácter individual para cada prestación realizada, dispoñendo as entidades locais adheridas dun prazo de noventa días naturais, contados a partir da recepción da notificación da liquidación, para proceder ao seu pago.

Unha vez transcorridos os prazos de pago en período voluntario dos prezos liquidados, a Deputación Provincial poderá exercer cantas accións administrativas e xudiciais lle competan para o cobro dos prezos, incluíndo a posibilidade de compensar a débeda contra calquera crédito de que dispoña a entidade local fronte á facenda provincial.

6. Os prezos públicos non inclúen o custo das taxas do procedemento de autorización esixidas polo organismo de cunca correspondente, que deberán ser aboadas pola entidade local interesada.

4ª) Procedemento de solicitude de servizos ao abeiro do presente convenio.

As entidades locais que desexen recibir os servizos comprendidos no presente convenio marco, deberán solicitarllo por escrito á Deputación Provincial, indicando os vertidos para cuxa autorización se require asistencia técnica. A solicitude poderá realizarse empregando o modelo que figura como ANEXO.

Unha vez solicitado o servizo, entenderase automaticamente concedido, se no prazo máximo dun mes a Presidencia non comunica á entidade solicitante a súa denegación, que só poderá basearse na existencia dunha imposibilidade legal ou material de prestación do servizo.

5ª) Vixencia:

O presente convenio producirá efectos para cada entidade desde a data de presentación da solicitude de servizos ao seu abeiro ante a Deputación Provincial, entendéndose que a dita solicitude implica a adhesión temporal ao convenio marco da entidade solicitante durante o tempo que dure a prestación dos servizos solicitados e ata a súa total liquidación e pagamento.

O presente convenio marco estará vixente e aberto ás adhesións temporais das entidades locais da provincia con carácter indefinido dende o 1 de xaneiro de 2014 e ata tanto a Deputación non acorde a súa cesación ou substitución por outro convenio marco.

Acta da Xunta de Goberno correspondente ó día 20 de decembro de 2013

6ª) Natureza e réxime xurídico:

O presente convenio terá natureza administrativa, correspondéndolle á xurisdición contencioso-administrativa a resolución das controversias sobre a súa validez, eficacia, efectos e extinción.

7ª) Servizos de asistencia técnica para autorización de vertidos prestados con anterioridade ao 1 de xaneiro de 2014.

Os servizos de asistencia técnica para autorizacións de vertidos prestados con anterioridade ao 1 de xaneiro de 2014 liquidaranse de conformidade co establecido no convenio marco de asistencia técnica para a autorización de vertidos do 19 de outubro de 2012.

8ª) Extinción da vixencia do convenio marco do 19 de outubro de 2012.

Con efectos do 31 de decembro de 2013, quedará extinguido o anterior convenio marco de asistencia técnica en materia de autorizacións de vertido do 19 de outubro de 2012, sen prexuízo da continuación das accións en curso solicitadas ao seu abeiro ata a súa total conclusión e liquidación conforme ás súas cláusulas.

Anexo.- Modelo de solicitude de prestación de servizos ao abeiro do convenio marco de colaboración para a prestación de asistencia técnica en materia de xestión de autorizacións de vertido nos exercicios 2014 e seguintes.

D/dona, alcalde/alcaldesa do Concello de / presidente/a da Mancomunidade/Consortio de...

EXPÓN:

Que a entidade local que preside precisa a prestación dun servizo de asistencia técnica para a xestión da autorización dos vertidos que se indican nesta solicitude.

Que, polo exposto, e ao abeiro do convenio marco da Deputación de Ourense de colaboración coas entidades locais da provincia para a prestación de asistencia técnica en materia de xestión de autorizacións de vertido durante os exercicios 2014 e seguintes,

SOLICITO a prestación de asistencia técnica para a xestión das autorizacións dos vertidos que se indican, de conformidade co clausulado aprobado pola Deputación Provincial de Ourense, asumindo as obrigas e compromisos que se recollen no dito convenio.

a) Autorizacións de vertidos de fosas sépticas:

Acta da Xunta de Goberno correspondente ó día 20 de decembro de 2013

(Indíquense as fosas sépticas das que se desexa que se tramite a autorización de vertidos, sinalando para cada unha delas se se solicita a realización de asistencia técnica completa – incluíndo os servizos previstos nos apartados a) e b.1) da cláusula 2ª.1 – ou só parcial, especificando neste último caso qué servizos se solicitan – só os do apartado a) ou só os do apartado b.1). No caso de non indicar nada, a Deputación entenderá que se solicita a realización da asistencia técnica completa)

b) Autorizacións de vertidos de EDAR:

(Indíquense as EDAR das que se desexa que se tramite a autorización de vertidos, sinalando para cada unha delas se se solicita a realización de asistencia técnica completa – incluíndo os servizos previstos nos apartados a) e b.2) da cláusula 2ª.1 – ou só parcial, especificando neste último caso qué servizos se solicitan – só os do apartado a) ou os do apartado b.2). No caso de non indicar nada, a Deputación entenderá que se solicita a realización da asistencia técnica completa).

2º.- Remitirilles o dito convenio ás entidades locais da provincia, para os efectos de que poidan proceder á solicitude dos servizos que constitúen o seu obxecto.

3º.- Ordenar a publicación do presente convenio, co correspondente anexo, no BOP para xeral coñecemento.

7.- ASUNTOS DE URXENCIA.- Trala unánime declaración da urxencia dos asuntos, por non figurar incluídos na orde do día, adoptáronse os seguintes acordos:

7. a) APROBACIÓN DE SUBVENCIÓN Ó CONCELLO DE CELANOVA.- No Pleno de data 27 de setembro de 2013 acordouse aproba-lo expediente nº 4/2013 de modificación das bases de execución do orzamento, que afecta ó apartado B) da Base 87ª, no que se refire á especificación dos capítulos IV e VII de gastos, engadindo para a súa concesión directa, de acordo co artigo 22.2a) da Lei 38/2003, xeral de subvencións, unha subvención de 7.500,00 euros a favor do Concello de Celanova, para a construción dunha cafetería dentro da zona de vestiarios do campo de fútbol de terra sito na estrada de Cortegada, con cargo á aplicación orzamentaria 450.12/762.01.

Unha vez vista a solicitude de subvención formulada polo alcalde do mencionado concello, comprobado polo Negociado de Subvencións Directas da Sección de Subvencións

Acta da Xunta de Goberno correspondente ó día 20 de decembro de 2013

que a dita solicitude cumpre co establecido na lexislación de subvencións e nas bases de execución dos orzamentos, e trala unánime declaración da urxencia do asunto por non figurar incluído na orde do día, a **Xunta de Goberno**, por unanimidade, **acorda** aprobar unha subvención ó Concello de Celanova, nos seguintes termos:

-Importe: 7.500,00 €.

-Obxecto: a construción dunha cafetería dentro da zona de vestiarios do campo de fútbol de terra sito na estrada de Cortegada.

-Xustificación: a subvención xustificárase mediante a presentación de conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e os artigos 73 e 75 do Regulamento da antedita lei, á que se lle unirán as facturas orixinais ou os correspondentes documentos de valor probatorio equivalente, debidamente aprobados polo órgano correspondente.

Unha vez seladas, as facturas orixinais seranlle devoltas ó beneficiario da subvención concedida.

-Prazo xustificación: ata o 30 de abril de 2014

7. b) APROBACIÓN DE SUBVENCIÓN Ó CONCELLO DE MUÍÑOS.- No Pleno de data 27 de setembro de 2013 acordouse aprobar o expediente nº 4/2013 de modificación das bases de execución do orzamento, que afecta ó apartado B) da Base 87ª, no que se refire á especificación dos capítulos IV e VII de gastos, engadindo para a súa concesión directa, de acordo co artigo 22.2a) da Lei 38/2003, xeral de subvencións, unha subvención de 30.000,00 euros a favor do Concello de Muíños, para o circuíto de BTT, con cargo á aplicación orzamentaria 341.11/762.00.

Unha vez vista a solicitude de subvención formulada polo alcalde do mencionado concello, comprobado polo Negociado de Subvencións Directas da Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e trala unánime declaración da urxencia do asunto, por non figurar incluído na orde do día, a **Xunta de Goberno**, por unanimidade, **acorda** aprobar unha subvención ó Concello de Muíños, nos seguintes termos:

-Importe: 30.000,00 €.

-Obxecto: o circuíto de BTT.

Acta da Xunta de Goberno correspondente ó día 20 de decembro de 2013

-Xustificación: a subvención xustificárase mediante a presentación de conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e os artigos 73 e 75 do Regulamento da antedita lei, á que se lle unirán as facturas orixinais ou os correspondentes documentos de valor probatorio equivalente, debidamente aprobados polo órgano correspondente.

Unha vez seladas, as facturas orixinais seranlle devoltas ó beneficiario da subvención concedida.

-Prazo xustificación: ata o 30 de xuño de 2014

8.- COMUNICACIÓNS DA PRESIDENCIA.- Non houbo.

9.- ROGOS E PREGUNTAS.- Non se formularon.

E, ás trece horas e trinta minutos, do referenciado día vinte de decembro do ano dous mil trece, a Presidencia dá por rematada a sesión da Xunta de Goberno, e redáctase a presente acta, que se asinará segundo o legalmente establecido.

O PRESIDENTE,

O SECRETARIO,